



БОСНА И ХЕРЦЕГОВИНА
Брчко дистрикт Босне и Херцеговине
ФОНД ЗДРАВСТВЕНОГ ОСИГУРАЊА
УПРАВНИ ОДБОР

BOSNA I HERCEGOVINA
Brčko distrikt Bosne i Hercegovine
FOND ZDRAVSTVENOG OSIGURANJA
UPRAVNI ODBOR/VIJEĆE

Бука С. Караџића 4, 76100 Брчко дистрикт БиХ, тел. +387 49 211 102; 216 344, факс 216 115, ИБ 4600222830003:
Vuka S. Karadžića 4, 76100 Brčko distrikt BiH, tel. +387 49 211 102; 216 344, faks 216 115, IB 4600222830003:
web: www.fzobrcko.ba, e-mail: fzobrcko1@teol.net,

Broj: 015-180/7-UO-24/17
Brčko, 23.03.2017. godine

Upravni odbor Fonda zdravstvenog osiguranja Brčko distrikta BiH, na osnovu člana 13 i 35 Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, broj: 17/07, 1/08, 3/15, 7/15 i 41/16), u vezi sa članom 27 i 83 stav (1) i (2) Zakona o zdravstvenom osiguranju Brčko distrikta BiH (Službeni glasnik Brčko distrikta BiH, broj: 1/02, 7/02, 19/07, 2/08 i 34/08), članovima 59, 62, 110, 137, 139 i 140 Zakona o zdravstvenoj zaštiti u Brčko distriktu BiH (Službeni glasnik Brčko distrikta BiH, broj: 38/11, 9/13, 27/14 i 3/15) i članom 18 Odluke o utvrđivanju osnova, kriterijuma i standarda za ugovaranje zdravstvene zaštite za potrebe osiguranih lica Fonda zdravstvenog osiguranja Brčko distrikta BiH, broj: 015-180/7-UO-53/14 od 27.05.2014. godine, na 4. redovnoj sjednici, održanoj 23.03.2017. godine, donosi

ODLUKU

O USLOVIMA ZA UGOVARANJE PRUŽANJA USLUGA ZDRAVSTVENE ZAŠTITE

Član 1 (Predmet)

Ovom odlukom utvrđuju se uslovi koje davaoci zdravstvenih usluga sa područja Brčko distrikta BiH (u daljem tekstu: Davaoci usluga) trebaju ispuniti kako bi sa Fondom zdravstvenog osiguranja Brčko distrikta BiH (u daljem tekstu: Fond) mogli zaključiti Ugovor o pružanju usluga zdravstvene zaštite (u daljem tekstu: Ugovor).

Član 2 (Osnovi za zaključivanje ugovora)

Osnovi za zaključivanje Ugovora sa Fondom sadržani su u:

- a) Zakonu o zdravstvenom osiguranju Brčko distrikta BiH (Službeni glasnik Brčko distrikta BiH, broj: 1/02, 7/02, 19/07, 2/08 i 34/08),
- b) Zakonu o zdravstvenoj zaštiti u Brčko distriktu BiH (Službeni glasnik Brčko distrikta BiH, broj: 38/11, 9/13, 27/14 i 3/15),
- c) Odluci o utvrđivanju osnovnog paketa zdravstvenih usluga iz obaveznog zdravstvenog osiguranja (Službeni glasnik Brčko distrikta BiH broj 33/12),
- d) Pravilniku o uslovima i načinu ostvarivanja prava iz obaveznog zdravstvenog osiguranja člana (Službeni glasnik Brčko distrikta BiH broj 17/10 i 7/14),
- e) Odluci o utvrđivanju osnova, kriterijuma i standarda za ugovaranje zdravstvene zaštite za potrebe osiguranih lica Fonda zdravstvenog osiguranja Brčko distrikta BiH, broj: 015-180/7-UO-53/14 od 27.05.2014. godine,
- f) Odluci o primjeni nomenklature usluga zdravstvene zaštite broj 015-180/7-UO-102/14 od 26.11.2014. godine.

Član 3

(Uslovi za zaključivanje ugovora)

(1) Uslovi koje Davaoci usluga trebaju ispuniti kako bi sa Fondom mogli zaključiti Ugovor su sljedeći:

- a) da posjeduju odobrenje za rad izdato od Odjeljenja za zdravstvo i ostale usluge Vlade Brčko distrikta BiH, izuzev zdravstvenih ustanova čiji je osnivač Skupština Brčko distrikta BiH,
- b) da su registrovani kod Osnovnog suda Brčko distrikta BiH za obavljanje zdravstvene djelatnosti iz predmeta Ugovora,
- c) da su registrovani u Direkciji za finansije, Poreskoj upravi Brčko distrikta BiH,
- d) da su izmirili obaveze po osnovu direktnih poreza (zaključno sa mjesecom koji prethodi mjesecu u kom je podnesena prijava za učešće po Javnom pozivu),
- e) da su izmirili obaveze po osnovu doprinosa za penzijsko i invalidsko osiguranje (zaključno sa mjesecom koji prethodi mjesecu u kom je podnesena prijava za učešće po Javnom pozivu),
- f) da su izmirili obaveze po osnovu doprinosa za zdravstveno osiguranje (zaključno sa mjesecom koji prethodi mjesecu u kom je podnesena prijava za učešće po Javnom pozivu).

(2) Pored uslova iz stava (1) ovog člana, Davaoci usluga dužni su Fondu dostaviti i dokumentaciju kojom dokazuju ispunjenost uslova u pogledu zapošljavanja ili angažovanja kvalifikovanog kadra, medicinsko-tehničke opremljenosti, radnog vremena i obezbjeđenog stalnog pristupa internetu (ADSL) radi elektronske razmjene podataka.

Član 4

(Javni poziv)

(1) Za ugovoranje pružanja usluga zdravstvene zaštite sa Davaocima usluga raspisuje se Javni poziv za ugovoranje pružanja usluga zdravstvene zaštite za potrebe osiguranih lica Fonda (u daljem tekstu: Javni poziv).

(2) Javni poziv raspisuje direktor Fonda, uz prethodnu saglasnost Upravnog odbora Fonda.

Član 5

(Zaključivanje ugovora)

Zaključivanje Ugovora sa Davaocima usluga obavlja se nakon provođenja Javnog poziva i utvrđivanja ispunjenosti uslova iz člana 3 ove odluke.

Član 6

(Provjera dokumentacije)

(1) Direktor Fonda posebnom odlukom imenuje komisiju za provjeru dokumentacije pristigle po Javnom pozivu, a kojom se dokazuje ispunjenost uslova iz člana 3 ove odluke.

(2) Komisija iz stava (1) ovog člana ima zadatak da:

- a) otvori i pregleda svu blagovremeno pristiglu dokumentaciju po Javnom pozivu,
- b) provjeri da li je priložena sva dokumentacija tražena Javnim pozivom,
- c) provjeri da li je pristigla dokumentacija validna,
- d) provjeri da li Davaoci usluga ispunjavaju uslove tražene Javnim pozivom, za zaključivanje Ugovora sa Fondom,
- e) sačini zapisnik o svom radu i dostavi direktoru Fonda preporuku za zaključivanje Ugovora.

Član 7

(Stupanje na snagu)

Ova odluka stupa na snagu danom donošenja.

Dostaviti:

1. Direktor
2. Evidenciji
3. Web
4. Arhivi

**PREDSJEDNIK
UPRavnog ODBORA**

Dr. med. sc. Zoran Tošić, s.r.